



Kamis, 11 Nopember 2020
Ogen: Kejadin 11:1-11



Teknologi Guna Kiniulin



Teknologi biakna netral, banci guna kiniulin banci guna kejahatan. Bali ras piso, banci guna dahin i dapur, banci guna munuh kalak. Bage me genduari si idah maka salah sada si meter kal perkembagenna eme teknologi informasi. Si ban saja sada cotohna eme android maka si idah uga meterna perkembangenna asa genduari. Modelna, kecepatenna, aplikasina terus reh canggihna. Emaka penggunaanna pe enggo reh lalana i bas kegeluhen manusia. Malah genduari menam aplikasi kai pe enggo banci alu sada android saja, umpamana mesan pangan, transportasi, ngkirim duit, gambar, video rsd. Amin gia melala dampak si mehuli arah kemajun teknologi enda maka lit ka dampak si la mehuli si banci jadi. Umpamana arah make andriot enda banci si pembar berita si la tuhu (hoax). Janah enda sada persoalen si la kitik erdandanken enggo lit undang-undang IT. Enggo enterem kalak masuk penjara gara-gara la bijak make andriot enda. Lit sekalak perwira tentera si icopot jabatenna gara-gara status FB ndeharana.

Bage me si idah i jenda kerna Nimrot kempu Ham ente si Nuah ersura-sura majekken sada menara si meganjang gelah gelarna termurmur janah lanai ia kena kelenglengen. Erkiteken sura-surana pegajangken dirina maka nembah TUHAN erdandanken si e maka ipecahna cakap kalak enda piah lanai si angkan sada ras si debanna. Kedungenna enggo marpar kalak enda. Enda me jadona adi isalah gunakan teknologi e maka dungna peturah masalah i bas kegeluhen manusia. Erdandanken si e marilah tetap metenget makeken teknologi gelah ula sempat lepak caranta makesa. Si pake guna kiniulin.